

Ngā mea katoa kia mōhiotia e koe mō te rēhita ki te pōti

Me rēhita rawa koe mō ngā pōti Pāremata o Aotearoa

Mō te roanga atu o ngā whakamārama, waea atu ki 0800 ENROL NOW (0800 36 76 56), peka atu rānei ki www.elections.org.nz.

Ia toru tau ka whakatūria e Aotearoa he Pōti Whānui hei tohu i ngā Mema Pāremata me te Kāwanatanga hoki. Mō te Pōti Whirirua (MMP - Mixed Member Proportional) e rua ngā pōti ka whakaaetia mō ia tangata kua rēhitatia hei kaipōti. Kotahi o ngā pōti mō te Rōpū e hiahiatia ana e koe. Ko te pōti tuarua mō te Mema Pāremata e hiahiatia ana e koe mō tō rohe pōti. Mā tō wāhi noho ka tohua e koe e whakatau i tō rohe pōti. He rohe pōti Whānui, he rohe pōti Māori anō hoki. Kei ia rohe tōna anō rārangi rēhita mō te pōti. Mehemea 18 ō tau neke atu rānei, ā, e mārāurau ana koe ki te pōti, e ai ki te ture me rēhita rawa koe ki te rārangi ingoa pōti. Mehemea 17 ō tau, ka taea te rēhita takitaro mō te pōti. Kia rēhita koe, e here ana koe ki te whakahou ake i ngā kōrero mōu. Ko ngā Kairēhita Kaipōti e mahi ana mō te New Zealand Post Ltd, ngā kaitiaki i ngā rārangi rēhita.

Kei roto nei ngā whakautu ki ēnei pātai mō te rēhita ki te pōti

Te rēhitatanga ki te pōti

whārangi 4

E āhei ana au ki te rēhita?

Kua aukatihia au mai i te rēhita?

He aha te take e rēhita ai au ki te pōti?

Me pēhea au e rēhita ai?

Ka whiwhi au i tētahi puka rēhita mai i hea?

Ka taea e au te rēhita mā te Ipurangi?

Ka whakaaetia au ki te rēhita i mua i taku ekenga ki te 18?

He hauā ahau. Ka whiwhi āwhina anō au ki te rēhita?

He whānau, he hoa rānei ōku kei tāwāhi. Ka taea e au te rēhita i a rātou?

He aha te rārangi ingoa huna?

Ka ahatia taku puka rēhita ina whakahokia atu e au?

He aha ngā kōrero hei whakaatu māku?

Te rēhitatanga Māori.

whārangi 8

Te Kōwhiringa Māori

He Māori au nō Aotearoa. Me pēhea au e kōwhiri ai ko tēhea rārangi ingoa hei pikinga mōku?

Ka pēhea mehemea he Māori au e rēhita ana mō te wā tuatahi?

E hia te wā whakarite mō te Kōwhiringa Māori?

Nō ngā moutere au o te Moana-nui-a-Kiwa. Ka āhei au ki te rēhita i runga i te rārangi Māori?

Ngā Rārangi Ingoa Pōti

whārangi 9

He aha te rārangi ingoa pōti Pāremata?

Kei hea ngā wāhi e kite ai au i tētahi rārangi ingoa pōti?

Ka whakamahia te pārongo pōtitanga mō te aha?

Pupuri i ōu kōrero rēhitatanga kia tōtika

whārangi 10

Me aha au mehemea ka hūnuku kāinga noho?

Me aha au mehemea kua rerekē taku ingoa, taku momo mahi rānei?

Ka ahatia mehemea ka wareware au ki te whakahou ake i ngā kōrero mōku?

Te kaupapa whakahou i ngā rārangi rēhita kaipōti

whārangi 11

He aha te kaupapa whakahou i ngā rārangi rēhita kaipōti?

Me aha au ina puta ake he kaupapa whakahou i ngā rārangi rēhita kaipōti?

Ka ahatia mehemea ka kore au e whakahoki i taku puka tono whakahou rārangi rēhita kaipōti?

Mēnā ka tae mai he puka tono whakahou rārangi ingoa pōti mō tētahi tangata kua kore kē e noho ki taua kainga noho?

Me aha au mehemea ka kore au e whiwhi puka tono whakahou rārangi ingoa pōti?

Ngā tawhā rohe pōti

whārangi 11

Kāore au i neke ēngari kua whakaurua au ki roto i tētahi atu rohe pōti. He aha ai?

Ētahi atu momo pōtitanga

whārangi 11

He aha te pōtitanga ohore Pāremata?

He aha ngā pōtitanga ā-rohe?

Ka āhei au ki te pōti i tētahi Whakataunga ā-iwi?

He whakamārama anō

whārangi 12

Me pēhea e whiwhi ai au i ētahi atu whakamārama?

Whakataki

Te rēhitanga ki te pōti

E āhei ana au ki te rēhita?

Ka āhei koe, ā, e ai ki te ture me rēhita rawa koe, mehemea:

- Nō Aotearoa koe, e noho tūturu ana rānei ki Aotearoa, ā,
- 18 neke atu rānei ō tau, ā,
- Kua noho tūturu koe ki Aotearoa kia kō atu i te tau kotahi i te wā kotahi, ā,
- Kāore anō koe kia aukatihia ki te rēhita.

Kua aukatihia au mai i te rēhita?

Kāore koe e āhei ki te rēhita mēnā:

- He kirirarau koe nō Aotearoa kei waho kē atu koe o Aotearoa e noho ana, ā, kāhore i tae ki Aotearoa i roto i ngā tau e toru kua pahure.
- He tangata kua tūturu te noho ki Aotearoa kei waho kē atu koe o Aotearoa ā, kāhore i tae ki Aotearoa i roto i ngā marama tekau mā rua kua pahure.

(Kia maumahara: He wā anō e kore ai e pā ēnei ture e rua. Hei tauira, mō ngā kaimahi kāwanatanga, ngā hunga rānei o te Ope Kaupapa Waonga kei tāwāhi e mahi ana, me ō rātou whānau anō hoki.)

Tērā anō ētahi atu take aukati ka pā atu ki tētahi rārangi tāngata ruarua noa iho. Ka whakamōhiotia atu ngā Kairēhita Kaipōti ko wai mā ēnei tāngata. Mēnā he āwangawanga he pātai rānei ōu mō ētahi atu take aukati, waea atu ki 0800 ENROL NOW (0800 36 76 56), peka atu rānei ki tō mātou ipurangi – www.elections.org.nz.

He aha te take e rēhita ai au ki te pōti?

Me rēhita rawa koe mēnā e āhei ana koe. Mā te rēhita e whai wāhi ai koe ki te pōti. Ko te pōtitanga te huarahi mōu ki te tohu ko tēhea tāngata me tēhea rōpū tōrangapū ka pōtihia ki te Pāremata o Aotearoa i ngā wā o ia pōti whānui. Tērā anō ētahi atu huarahi ki te pōti mō ngā kaunihera ā-rohe me ngā poari hauora ā-rohe, mō ngā momo whakataunga ā-iwi o te motu (*referenda*) me ngā pōti ohorere hoki o te wā.

Me pēhea au e rēhita ai?

Whakakīa noa ake te puka tono rēhitanga “Enrolling to vote: Application”. ME RĒHITA RAWA koe ki te pōti, ahakoa ka kore koe e hiahia ki te pōti.

Mēnā he Māori koe nō Aotearoa, he uri rānei nō tētahi Māori o Aotearoa, ā, ka rēhita mō te wā tuatahi, ka taea e koe te whakamahi i te puka tono ki te tohu ko tēhea rārangi tāu e hiahia ana, arā, ko te rārangi Māori, ko te rārangi Whānui rānei.

Ka whiwhi au i tētahi puka rēhita mai i hea?

- Whakakāia ka whakahokia atu te tono kei muri o tēnei pukapuka, ā, ka tukuna atu e mātou tētahi puka rēhita ki a koe.
- Kei ngā New Zealand Post Shop katoa mö te kore utu.
- Waea kore utu ki 0800 ENROL NOW (0800 36 76 56), ā, ka tukuna atu e mātou tētahi puka rēhita ki a koe.
- Tonoa atu, tāngia rānei mai i tā mātou pae tukutuku – www.elections.org.nz.

I muri i tō whakakāinga i te puka rēhita, tukuna atu ki tētahi New Zealand Post Shop, tukuna atu rānei mā te mēra (kore utu) ki:

Freepost 2 Enrol
Electoral Enrolment Centre
Pouaka Poutāpeta 190
Te Whanga-nui-a-Tara 6015

Ka taea e au te rēhita mā te Ipurangi?

Āe, me peka noa ki tā mātou pae tukutuku – www.elections.org.nz – ka pato ai i te pātene “Enrol Online”. Whāia ngā tohutohu hei whakaoti i tō rēhitatanga. Kātahi ka āhei te tā i te puka rēhita me ō kōrero kua oti kē te whakakāi, hainatia tēnei, ka tukuna atu ai hei whakaoti i te rēhitatanga.

Tua atu i tērā, ka taea e koe te tuku i te whakaaturanga, ā, ka whakahokia atu e mātou tētahi puka rēhita möu ake hei tiro-tiro māu, ki te tā i tō tohu, ā, ka whakahoki ai. Ka taea anō hoki te whakahou ake i ō kōrero rēhitatanga ki te pae tukutuku.

Ka whakaaetia au ki te rēhita i mua i taku ekenga ki te 18?

Āe, i te wā tonu e 17 ai ō tau ka taea tō "rēhita takitaro" i te puka rēhita. Ka 18 ō tau ka rēhita aunoahia koe.

He whakamārama anō kei te mātārere "Te rēhita ki te pōti i mua i tō ekenga ki te 18 tau te pakeke" kei ngā Post Shop katoa. Me waea atu rānei ki 0800 ENROL NOW (0800 36 76 56) kia tukuna atu tētahi.

He hauā ahau. Ka whiwhi āwhina anō au ki te rēhita?

Mehemea he hauā koe, ā, kei te hiahia āwhina koe ki te whakakāi me te whakahoki i tō puka rēhita anei te huarahi möu:

- Tuku mā tētahi kua oti kē te rēhita hei kaipōti e whakakāi e haina hoki. Me tuhi rawa e ia ki runga i tō puka ki te taha o tana hainatanga "He Kaipōti Hauā - e hainatia ana i raro i tana whakahau"
- Mā tētahi rānei kua whiwhi Mana Ture möu e whakakāi e haina hoki. Me tuhi rawa e ia ki te taha o tana hainatanga "He Kaipōti Hauā – Mana Ture"

Mehemea he mate hinengaro tō tētahi o tō whānau, tērā pea ka āhei koe ki te rēhita i a ia. Me waea mai ki a mātou mā te waea kore utu 0800 ENROL NOW (0800 36 76 56) mō ngā whakamārama.

He whānau, he hoa rānei ōku kei tāwāhi. Ka taea e au te rēhita i a rātou?

Āe. Mehemea e āhei tonu ana rātou ki te rēhita ka taea pea e koe te whakakī i tā rātou puka rēhita. Anei rā tāu:

- Mehemea he kaipōti kua rēhitatia, ka taea e koe te whakakī i tā rātou puka rēhita ka haina ai. Me tuhi rawa e koe ki runga i tā rātou puka ki te taha o tō hainatanga: “Kei Tāwāhi te Kaipōti - e hainatia ana i raro i tana whakahau”.
- Tērā pea kei a koe tētahi Mana Ture mai i a rātou ka taea e koe te whakakī te haina hoki i te puka rēhita. Me tuhi rawa e koe ki runga i te puka ki te taha o tō hainatanga: “Kei Tāwāhi te Kaipōti - Mana Ture.

Me rēhita rawa kātahi anō koe ka āhei ki te pōti.

He aha te rārangi ingoa huna?

Mehemea ki tō whakapono ka mōrearea koe inā tāngia he kōrero mōu ki te rārangi rēhita, ka taea e koe te tono kia kaua e whakaputaina ki runga i te rārangi ingoa he mea whakaputa. Mātua me tono mārika mā tētahi tono motuhake mō tēnei, ā, me whakaari anō hoki i ētahi tohu whai take pēnei i te pānui parahau (*protection order*), i te whakahau whakatina (*restraining order*), i te whakapuakitanga pono (*statutory declaration*) rānei a tētahi pirihimana.

He whakamārama atu anō me te puka tono kei tā mātou mātārere "Ngā mea katoa kia mōhiohia e koe mō te rārangi ingoa huna". Ka taea te tiki atu i ngā toa Post Shop katoa, mā tō waea atu rānei ki 0800 ENROL NOW (0800 36 76 56).

Ka ahatia taku puka rēhita ina whakahokia atu e au?

Ka āta tirohia e tō Kairēhita Kaipōti kia kī ai e tika katoa ana. Mehemea e tika katoa ana, ka uru tō ingoa ki te rārangi ingoa o te rohe pōti i noho ai koe mō te marama kotahi kua hipa atu. Ka tukuna atu ki a koe te whakaaturanga hei whakamana i tō rēhitatanga.

Mō te roanga atu o ngā whakamārama, waea atu ki 0800 ENROL NOW (0800 36 76 56), peka atu rānei ki www.elections.org.nz.

He aha ngā kōrero hei whakaatu māku?

Kia oti mārika i a koe ngā pātai katoa kei runga i te puka rēhita e tino tika ai tā mātou rēhita i a koe. Ko ngā kupu anake e tohua ana mā te whetū (*) ka tāngia i te rārangi ingoa pōti.

*** TE KATOA O TŌ INGOA**

E hiahiatia ana tēnei ki te whakarite mehemea e tika ana te katoa o tō rēhitatanga, ā, ki te wehewehe i ngā tāngata he ōrite, he rite rānei ō rātou ingoa.

TE RĀ WHĀNAU:

Ka whakaatu tēnei ki te Kairēhita Kaipōti kua eke tō pakeketanga kia āhei ai koe ki te rēhita, ā, mā tēnei anō hoki e āwhina ake i a mātou ki te wehewehe i ngā tāngata e rite ana ō rātou ingoa.

HAINATANGA ME TE RĀ:

Mehemea he Māori koe nō Aotearoa, he uri rānei koe nō tētahi Māori nō Aotearoa me tino haina koe ka tuhi i te rā ki te wāhanga Māori, te wāhanga Whānui RĀNEI.

KAUA RAWA E HAINA TAHITIA E KOE. Mātua me tohu rawa koe ko tēhea o ngā rārangi tāu e hiahia ana. Mō ētahi atu tāngata me haina rātou i te wāhanga Whānui, ka tuhi ai i te rā. Mehemea he hauā tō tinana, kei tāwāhi rānei koe, ka āhei koe ki te tuku mā tētahi atu tangata e haina mōu.

*** KĀINGA NOHO:**

Koinei tō kāinga noho. E kore e ea mā te pouaka poutāpeta, te nama taiwhenua rānei hei whakaatu i tō kāinga noho. E hiahiatia ana e mātou te katoa o tō kāinga noho kia rēhitatia koe ki te rohe pōti kei reira koe "e noho ana".

Kei te "noho" ki te wāhi kua tohua e koe hei kāinga nā tōu ake whānau, ōu ake whanaunga rānei, mō ētahi atu take whānau whaiaro rānei. Ahakoa wehe poto atu koe mai i reira, ēhara kē i te mea kāore kē koe e noho ana ki reira. E kore anō hoki e rerekē atu mā tō wehe noa atu i tō kāinga noho nā tō mahi, tō whakaakoranga rānei te take (tā tō hoa rangatira mahi, whakaakoranga rānei). Ko te mea nui o tāu whakatau i tō wāhi noho ko te wāhi e kī ai koe ko tō kāinga.

TE POUAKA POUTĀPETA:

E hiahiatia ana tēnei mehemea he rerekē atu tō pouaka poutāpeta, ki tō kāinga noho. Me tuhi mārika atu mātou ki a koe ki te whakatau i tō rēhitatanga.

*** TŌ MAHI:**

Mā tēnei anō mātou e āwhina ki te wehewehe tangata e rite ana ō rātou ingoa. I ētahi wā ka kitea te whakarāpopototanga o tēnei i runga i te rārangi ingoa he mea whakaputa.

HE MĀORI KOE?

Ko ngā Māori nō Aotearoa anake, ngā uri rānei o tētahi Māori nō Aotearoa, ka āhei ki te whakautu mā te whakauru i tā rātou tohu ki te porohita “YES/AE”. Mō te katoa o ētahi atu tāngata i tā rātou tohu ki te porohita “NO/KAO”.

NGĀ NAMA WAEA:

Ka hiahiatia ēnei e mātou mēnā ka tūpono noa tā mātou whakapā atu ki a koe.

HE MAHERE:

Mehemea kei te noho koe i tētahi kāinga kāore ōna nama, me tuku mai tētahi mahere e whakaatu ana i tō kāinga hei āwhina i a mātou ki te whakarite i te rohe e tika ana mōu.

KUA WHAKAREREKĒHIA E KOE TŌ KĀINGA NOHO I TATĀ AKE NEI?

Mehemea kua noho koe i tō kāinga noho mō te wā i raro iho i te kōtahi marama, e inoi atu ana kia whakakia ēnei wāhanga.

NGĀ TĀNGATA O AOTEAROA KEI TĀWĀHI:

Me whakakī noa iho e koe ēnei wāhanga mēnā kei tāwāhi koe. E inoi atu ana kia tāngia e koe te wā whakamutunga i noho ai koe ki Aotearoa, te wā i hūnuku ai koe ki tāwāhi, me tō kāinga noho mutunga i Aotearoa i nohohia ai koe mō tētahi marama i mua i tō wehenga.

Te rēhitatanga Māori

Te Kōwhiringa Māori

Mehemea he Māori koe nō Aotearoa, he uri rānei koe nō tētahi Māori o Aotearoa, ka āhei koe ki te kōwhiri kia eke koe ki runga i te rārangi Whānui, te rārangi Māori rānei.

He Māori au nō Aotearoa. Me pēhea au e kōwhiri ai ko tēhea rārangi ingoa hei pikinga mōku?

Ia rima tau, ka tukuna he puka Kōwhiringa Māori ki ngā tāngata katoa kei runga i ngā rārangi ingoa pōti i whakaatu he uri whakaheke Māori nō Aotearoa. Ka whakamahia tēnei puka ki te kōwhiri mehemea kei te pīrangī koe ki te uru ki runga i te rārangi ingoa Māori, ki te rārangi ingoa Whānui rānei. E karangahia ana tēnei ko te Kōwhiringa Māori.

Ka pēhea mehemea he Māori au e rēhita ana mō te wā tuatahi?

Ka āhei koe ki te kōwhiri kō tēhea momo rārangi ingoa hei pikinga mōu mā tō hainatanga i te wāhanga e tika ana kei runga i te puka rēhita. Ka oti tō whakarite i tō kōwhiri e kore e taea tō whakarerekē kia tae rāno ki te Kōwhiringa Māori o muri atu.

E hia te wā whakarite mō te Kōwhiringa Māori?

I tōna tikanga ia rima tau mō ngā marama e whā ka āhei ngā kaipōti Māori ki te arotake ki te huri hoki i te momo rārangi ingoa kei runga nei rātou e rēhita ana, arā, ko te rārangi Māori, rārangi Whānui rānei.

Nō ngā moutere au o te Moana-nui-a-Kiwa. Ka āhei au ki te rēhita i runga i te rārangi Māori?

Kāo. Mō ngā Māori me ngā uri whakaheke o ngā Māori o Aotearoa anake. Ko ngā Māori o Rarotonga me ētahi atu mai i ngā moutere o te Moana-nui-a-Kiwa e āhei ana ki te rēhita ka uru kē ki te rārangi Whānui.

Ko te roanga atu o ngā whakamārama kei te mātārehe “Te piki ki ngā rārangi rēhita pōti Māori o Aotearoa”.

Ngā Rārangi Ingoa Pōti

Mō te roanga atu o ngā whakamārama, waea atu ki 0800 ENROL NOW (0800 36 76 56), peka atu rānei ki www.elections.org.nz.

He aha te rārangi ingoa pōti Pāremata?

He pukapuka tēnei e whakarārangi ana i ngā tāngata katoa kua rēhitatia. E rārangi ana ō rātou ingoa, kāinga noho, momo mahi hoki. Ka āhei te tangata ahakoa ko wai ki te titiro atu ki taua pukapuka. Ka whakaputaina tētahi pukapuka hou ia tau tua atu i ngā tau pōti Pāremata. I aua tau e rua ka tāngia: ko te mea tuatahi hei āta titiro mā te katoa mēnā e tika ana tō ratou whakarārangi, ā, ko te mea tuarua hei whakamahi i te Rā Pōti.

Kei hea ngā wāhi e kite ai au i tētahi rārangi ingoa pōti?

Kei ia tari o te Kairēhita Kaipōti, kei ngā whare pukapuka hoki ngā rārangi ingoa katoa mō Aotearoa. I tua atu, kei ia New Zealand Post Shop te rārangi Whānui me te rārangi Māori mō taua rohe. Kei te maha noa atu o ngā New Zealand Post Shop ngā rārangi ingoa mō ngā rohe pātata.

Māu rānei e titiro ki ngā kōrero rēhitatanga mōu kei tā mātou pae tukutuku - www.elections.org.nz.

Ka whakamahia te pārongo pōtitanga mō te aha?

Ka rēhita koe, ko tō ingoa, tō kāinga noho me tō momo mahi anake ka puta ki te rārangi ingoa kua tāngia mō tō rohe. He pukapuka tēnei e wātea ana kia tirohia e ngā hunga tūmatanui. Tērā pea ka hoatu tahitia tēnei pārongo me tō rōpū pakeketanga, tō pouaka poutāpeta, tō taketakenga Māori rānei, ki ētahi kairangahau pūtaiao hauora hoki, ki ngā kaitono tōrangapū, ki ngā mema Pāremata, ki ngā rōpū tōrangapū rānei. Ka hoatuhia hoki aua kōrero ki ngā kaunihera ā-rohe mō ngā pōti ā-rohe, mō ngā pōti poari hauora ā-rohe, mō ngā whakataunga ā-iwi, pōti motuhake rānei. Ka whakamahia anō ēnei kōrero hei whakatikatika i ngā rārangi ingoa hunga whakawā (*jury roll*).

Pupuri i ōu kōrero rēhitanga kia tōtika

Me aha au mehemea ka hūnuku kāinga noho?

Hei mua tata i tō hūnuku, haere ki tētahi New Zealand Post Shop ka whakakī atu i te puka tono “Mail Re-direction Request”. Mai i tēnā ka tukuna ō pānui ki tō kāinga hou, ā, ka whakamāramahia atu hoki te Kairēhita Kaipōti mō tō hūnuku.

Mehemea he rite tonu te rohe pōti o tō wāhi noho hou, ko tā te Kairēhita Kaipōti he whakahou noa iho i te rēhita, ā, me te tuku noa atu i te pānui whakamana.

Ēngari, mehemea kua nuku kē koe ki tētahi rohe pōti hou, ka tukuna atu ki a koe he puka rēhita kua oti kē te whakakī hei tiro tiro māu, hei haina, ā, hei whakahoki atu hoki. I muri i te whiwhinga o te Kairēhita Kaipōti mō tō rohe pōti hou i tō puka rēhita, ka rēhita i a koe, ā, ka tuku pānui whakamana atu ki a koe.

Mehemea kāore e kitea tō ingoa e te Kairēhita Kaipōti i runga i ngā rārangi rēhita, tērā ka tukuna he puka rēhita ki tō wāhi noho hou.

Tua atu i tērā māu anō e whakakī tētahi puka rēhita, ka peka rānei ki te pae tukutuku – www.elections.org.nz – hei whakamārama ake i tō wāhi noho hou.

Me aha au mehemea kua rerekē taku ingoa, taku momo mahi rānei?

Mehemea kua rerekē tō ingoa, tō momo mahi rānei kia horo tonu te whakamōhio ā-tuhi atu ki te Kairēhita Kaipōti. Tua atu me whakakī koe i tētahi puka rēhita hou, e whakahou rānei i ō kōrero, mā tō toro atu ki tā mātou pae tukutuku - www.elections.org.nz.

Ka ahatia mehemea ka wareware au ki te whakahou ake i ngā kōrero mōku?

Mehemea ka wareware koe ki te whakahou i ngā kōrero mōu, e kore pea e taea e mātou te whakapā atu ki a koe i ngā wā whakahou rēhita, ā, ka tangohia tō ingoa mai i te rārangi ingoa. Hei reira me rēhita rawa anō koe.

Te kaupapa whakahou i ngā rārangi rēhita kaipōti

He aha te kaupapa whakahou i ngā rārangi rēhita kaipōti?

Ia tau, ia tau e hia mano o ngā tāngata o Aotearoa ka whakarerekē i ō ratou oranga. Ka hūnuku whare rātou, ka mārena rātou, ka rerekē rānei tā rātou momo mahi. He maha anō ka hokihoki mai i tāwāhi. He wā ka mahue te whakamōhio atu ki te Kairēhita Kaipōti mō ēnei tū momo rerekētanga.

Koia nei ka whakahaerehia tēnei kaupapa whakahou i ngā rārangi rēhita kaipōti. Mā te katoa tēnei kaupapa e aro atu, ka whakatika ai i ngā wāhanga kua rerekē hei whakauru ake mā te Kairēhita Kaipōti ki ngā rārangi ingoa pōti hou.

Me aha au inā puta ake he kaupapa whakahou i ngā rārangi rēhita kaipōti?

Māu anō e tiro tiro ka huri ai i ngā kōrero rerekē i ngā kōrero rēhita mōu. Ka whakamāmāhia te huarahi e te Kairēhita Kaipōti mā tana tononga i tētahi puka ki ia tangata o ngā rārangi ingoa tawhito. Kei te puka whakahou rēhita nei ngā kōrero mōu, e ai ki ērā kua rēhitatia. He wāhanga wātea hei tuhi i ngā kōrero tōtika. Heoi noa tāu he haina me te tuhi i te wā, ka whakahoki mai ai mā roto i tōna ake kōpaki. Mēnā e tika katoa ana ngā kōrero mōu hei aha noa iho tō whakautu, ā, ka ü tonu tō rēhitanga ki ērā kōrero kei runga i tō puka whakahou rēhita.

Ka ahatia mehemea ka kore au e whakahoki i taku puka tono whakahou rārangi rēhita kaipōti?

Ka noho tonu koe ki te rārangi rēhita me ngā kōrero anō mōu e mau ana i te puka rēhita.

Mēnā ka tae mai he puka tono whakahou rārangi ingoa pōti mō tētahi tangata kua kore kē e noho ki taua kāinga noho?

Ina taea māu e tuku atu ki te wāhi noho hou o taua tangata, ina rānei kāore koe e mōhio ki tērā, tuhia atu ki te kōpaki “Kei wāhi kē”, ka whakahoki ai mā te poutāpeta. Tērā ka whakahokia ki te Kairēhita Kaipōti māna taua ingoa e tango mai i te rārangi ingoa.

Me aha au mehemea ka kore au e whiwhi puka tono whakahou rārangi ingoa pōti?

Me whakaki koe i tētahi puka rēhita hou. Kia tae tō puka rēhita ki te Kairēhita Kaipōti ka puta ake tō ingoa i runga i te rārangi rēhita kaipōti.

Ngā tawhā rohe pōti

Kāore au i neke ēngari kua whakaurua au ki roto i tētahi atu rohe pōti. He aha ai?

Me āhua ōrite tonu te tokomaha o ngā tāngata kei roto i ia rohe pōti. Ēngari ko ētahi rohe ka piki ngā tatau tangata, ko ētahi ka heke, ā, i ētahi wā ka whakarerekēhia ngā tawhā rohe pōti.

Ia rima tau, i muri i te tauranga o te motu, ka āta tirohia ngā tawhā o ngā rohe pōti katoa. Mehemea he rahi te nekenga o te nuinga tāngata i tētahi rohe pōti tērā pea ka whakarerekēhia ngā tawhā kia ōrite ai ngā rohe pōti, me te āhua rite o te tokomaha o ngā tāngata kei ia rohe. Ka whakamāhia ēnei tawhā hou mō te pōtitanga o muri atu.

Ētahi atu momo pōtitanga

He aha te pōtitanga ohorere Pāremata?

I ētahi wā ka noho wātea tētahi tūru o te Pāremata i waenga i ngā Pōtitanga Whānui. I reira ka whai wāhi ngā tāngata o taua rohe pōti ki te pōti mō tētahi Mema Pāremata hou. He pōtitanga ohorere tēnei. Ka whakaputaina he rārangi ingoa pōti hou mō taua rohe pōti.

He aha ngā pōtitanga ā-rohe?

Ina rēhita koe hei kaipōti Pāremata, ka mana ngātahi koe hei kaipōti kaunihera ā-rohe. Hei reira ka āhei tahi koe ki te pōti mō tō kaunihera ā-rohe, poari hauora ā-rohe anō hoki. Tae noa ana tēnei ki te Kahika o tō tāone, o tō rohe rānei, ā, mō ngā mema hei kawē i a koe i runga i ngā kaunihera ā-rohe, ā-tāone rānei, poari hapori, poari hauora ā-rohe, arā atu hoki pērā i ngā kaitiaki mana whakaraihana waipiro.

Ka āhei au ki te pōti i tētahi Whakataunga ā-iwi?

Ka whakauruhia koe hei kaipōti Pāremata ka whakaurua koe hei kaipōti mō ngā Whakataunga ā-iwi (Referendum) nā te iwi i tūmata, mō ngā Whakataunga ā-iwi rānei nā te kāwanatanga i tūmata.

He whakamārama anō

Me pēhea e whiwhi ai au i ētahi atu whakamārama?

Mō ētahi atu kōrero whakamārama mō te rēhitatanga ki te pōti me:

- waea kore utu ki 0800 ENROL NOW (0800 36 76 56).
- peka ki tā mātou pae tukutuku – www.elections.org.nz
- pānui i ngā mātārere nei:
 - Ngā mea katoa kia mōhiotia e koe mō te rārangi ingoa huna*
 - Te rēhita ki te pōti i mua i tō ekenga ki te 18 tau te pakeke*
 - Te piki ki ngā rārangi rēhita pōti Māori o Aotearoa*

* kei ngā New Zealand Post Shops, kei ngā tari rānei o ngā Kairēhita Kaipōti

Tēnā rawa atu koe mō tō pānui i tēnei mātārere.

Ko tā mātou tūmanako kua ea ō pātai katoa mō te rēhitatanga hei kaipōti.

Mēnā ka hiahia āwhina atu anō koe, waea kore utu kau mai ki 0800 ENROL NOW (0800 36 76 56), peka atu rānei ki www.elections.org.nz